

RÜSCHTIGI ALTI

SCHTÄRNEFÖIFI

Text: Boni Koller

Intro: Dm7b5 G7 Cm Dm7b5 G7 Cm

Str: Min grosse Brüeder, dä heisst Max und isch grad 16i gsi
 Dä lauft so langsam wie'n es Grosi, aber s'Grosi holt en ii
 Sie isch öppe drüümal schnäller, und sie rännt am Max verbii
 Kapuzejäggli, Baseballchäppli, das mues mis Grosi sii

Mis Grosi chunnt sich sälber gar nöd wie'n es Grosi vor
 Sie ghört zwar nümme guet, bsunders uf em lingge Ohr
 Sie hät mit em Bluetdruck und em Rugge chli Problem
 Aber was sie macht, das macht sie immer ganz extrem

Ref: Sie isch e rüschtingi Alti, sie cha ganz unschuldig lache
 Aber nur zur Underhaltig macht sie ganz riskanti Sache
 Sie fahrt mit de Söifechishte
 Snowboard uf de schwarze Pischte
 gumpt vo de Brugg am Gummiseil
 schpielt Fangis mit em wiisse Hai
 Sie chlätteret, sie taucht, sie schwümmt
 Sie luegt, dass sie immer gönnt
 wänn sie zvorderscht uf de Wälle surft
 Sie macht alles wo'n ich nöd dörf

Min Grossvater fährt Rännvelo und leit sich farbig aa
S'macht nüüt wänn's rägnet oder schneit, er mues trotzdem gah
Er gaht bi Schturm go sägle und rännt hei mit nasse Haar
Und im Winter fährt er Schii, er bricht sis Schiibeij jedes Jahr

Min Grossvater trinkt Kafi und mis Grosi lieber Wii
Ich ha mängisch s'Gfühl, das isch wie Zaubertrank für sie
Min Grossvater macht Lärme, und mis Grosi isch nie schtill
Also beidi uf eim Huuffe, das isch meischtens eifach z'vill

Das sind rüschtingi Alti, die chönd ganz unschuldig lache
Aber nur zur Underhaltig macheds ganz riskanti Sache

Sie gönd go bärgschiige im Näbel
Go poschte ohni Poschtizädel
Sie brötled Popcorn ufem Härd
Sie gönd as Schtärneföifi-Konzert
Sie chlättered, sie tauched, sie schwümmed
Sie lueged, dass sie immer gönned
wänn ihres Brätt über d'Wälle surft
Die mached alles wo'n ich nöd dörf